



Халқ сўзи

Ўзбекистон —
Келажаги
Буюк
Давлат

2024 йил — Ёшлар ва бизнесни қўллаб-қувватлаш йили

1991 йил 1 январдан чиқа бошлаган • WWW.XS.UZ • E-mail: Info@xs.uz • 2024 йил 19 сентябрь, № 193 (8816)

Пайшанба

Сайтимизга ўтиш учун QR-кодни телефонингиз орқали сканер қилинг.



ТРАНСПОРТ СОҲАСИДАГИ ҲАМКОРЛИКНИНГ МУҲИМ ЙЎНАЛИШЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 18 сентябрь кунги Россия Федерацияси Ҳукумати Раисининг ўринбосари Виталий Савельев, Россия Президенти маслаҳатчиси Игорь Левитин ва «Российские железные дороги» компанияси бошқаруви раиси Олег Белозёровдан иборат делегацияни қабул қилди.



Учрашув аввалида Россия делегацияси аъзолари давлатимиз раҳбарига Россия Федерацияси Президенти Владимир Путиннинг салом ва энг эзгу тилаklarини етказди.

Жорий йилнинг 26 — 28 май кунлари Тошкент шаҳрида бўлиб ўтган олий даражадаги учрашувларда эришилган келишувларни амалга ошириш масалалари кўриб чиқилди.

Минтақада самарали транспорт йўлакларини ривожлантириш бўйича мувофиқлаштирилган чора-тадбирлар кўришга алоҳида эътибор қаратилди.

Транспорт соҳасида саноат кооперацияси лойиҳаларини жаддаллаштириш, автомобиль, темир йўл ва авиация йўналишларида шерикликни янада кенгайтириш, юқори малакали муҳандис кадрлар тайёрлаш муҳимлиги қайд этилди.

Ў.А.

Ўзбекистон Республикаси Президенти Матбуот хизмати сурати.

Муносабат

ЎЗАРО МАНФААТЛИ ШЕРИКЛИК ИМКОНИАТЛАРИ КЕНГАЙМОҚДА

Германия Федерал Канцлери Олаф Шольцнинг мамлакатимизга амалга оширган таширифи икки давлат учун ҳам манфаатли бўлган битим ва келишувларга бой бўлди. Ташириф тадбирлари Самарқандда бўлиб ўтиши унинг тарихий аҳамиятини янада ошириб юборди, десак, муболага бўлмайди.

Германия Федератив Республикаси мамлакатимизнинг Европа Иттифоқидagi муҳим ҳамкоридан биридир. Мамлакатларимиз ўртасида фаол сиёсий мулоқот ўрнатилган ва юқори даражада ривожланган кўп қиррали савдо-иқтисодий алоқалар мавжуд.

Ташириф доирасида ўтказилган музокаралар турли соҳаларда ҳамкорликни янада кенгайтириш, хусусан, янги истиқболли қўшма лойиҳаларга асос солиш, бу давлатдан тўғридан-тўғри инвестициялар оқимини рағбатлантиришга қаратилгани бежиз эмас. Чунки кейинги даврда Германия ишбилармон доираларининг минтақамизга, хусусан, Ўзбекистонга қизиқиши ортиб бормоқда. Бунга, аввало, мамлакатимиз иқтисодийнинг жадал ўсиши ва Марказий Осиё мустақамлашиши ўртасидаги ҳамкорлик алоқалари тора мустақамлашиб бораётгани асосий омил бўлмоқда, албатта.

Натижада Ўзбекистон ва Германия ўртасидаги товар айирбошлаш ҳажми йилдан-йилга ўсмоқда. Масалан, ўтган йили 1 млрд. евродан ошди. Жорий йилнинг ўзида иқтисодий тиричилик олимони компанияларидан 800 млн. евродан зиёд тўғридан-тўғри инвестиция жалб этилди. Ва бундай кўрсаткичлар ўз-ўзидан бўлиб қолаётгани йўқ. Бунинг замирида сўнгги йилларда бизнес ва хорижий инвесторлар учун яратилган шарт-шароитлар ва давлатимиз раҳбариятининг бу борадаги изчил ва мунтазам саяё-ҳаракатлари муҳим.

Германиянинг етакчи компания ва банклари билан ҳамкорликда машинасозлик, тўқимачилик саноати, қурилиш материаллари ишлаб чиқариш, «яшил» энергетика, кимё саноати, ўта муҳим хомашёни ўзлаштириш каби кўплаб йўналишларда қарий 9 млрд. евролик қўшма лойиҳалар ишлаб чиқилган бўлиб, уларни ҳаётга татиқ этиш чоралари кўриляпти. Музокаралар давомида транспорт ва логистика, самарали транспорт йўлакларини ривожлантириш, транспорт харажатларини камайтириш сингари масалалар ҳам кўриб чиқилди.

Ташириф доирасида икки давлат раҳбарлари, Ўзбекистон ва Германия етакчи компания ва банклари вакиллари иштирокида бўлиб ўтган учрашувда қўшма инвестиция лойиҳаларини ва савдо шартномаларини жаддаллаштириш масалалари эътибор марказида бўлди. Айни чоғда Ўзбекистон ва Германия ишбилармон доираларининг фаол ва амалий иштирокида ўзаро манфаатли ҳамкорликнинг ус-тувор йўналишлари белгилаб олинди.



Марказий Осиё — Германия:

Кўп қиррали алоқаларимиз янада мустақамланади

Президентимиз шу йил 17 сентябрь кунги Остона шаҳрида бўлиб ўтган «Марказий Осиё — Германия» иккинчи саммитидаги нутқидида Германия Марказий Осиё мамлакатларида олиб борилаётган демократик ўзгаришлар ва иқтисодий-иқтисодий ислохотларни, минтақадаги ҳамкорлик ва интеграцияни қатъий ҳамда ўзгармас қўллаб-қувватлаётганини юқори баҳолаб, ҳар томонлама ҳамкорликни янада ривожлантириш мақсадида кўплаб амалий тақлиф ва янги ташаббусларни илгари сурди. Қайд этиш жоизки, бу эзгу мақсадлар кўп қиррали алоқаларни янада кенгайтириш ва мустақамлашга хизмат қилиши билан эътиборга молик.

Олий Мажлис Қонунчилик палатаси депутатлари бу бўйича ўз муносабатини билдирди.

2-саҳифага қаранг. ➔

МАЪРИФАТЛИ ЖАМИЯТНИ МАЪРИФАТЛИ ОНАЛАРСИЗ ҚУРИБ БЎЛМАЙДИ

Нодирабегим, Увайсий ва Анбар отинлардан мерос бўлиб ўтиб келаётган бир орзу бор. Бу — илм олиш истаги. Буюк момоларимиз орзу қилганидек бугун мамлакатимизда аёллар жамиятининг барча соҳасида ўз иқтидор ва имкониятларини намойён қилмоқда. Ишлаб чиқариш, таълим, тиббиёт, илм-фан, маданият ва спорт соҳалари ривожиди ҳам аёлларимизнинг муносиб ҳиссаси бор. Олий Мажлис Сенати Раиси хотин-қизлар вакиласи эканлиги, туманларда аёл ҳокимлар фаолият юритаётгани нафақат

минтақамизда, балки халқаро миқёсда ҳам эътиборга молик воқеалик.

Бу қувонарли, албатта, аммо аёллар, айниқса, қишлоқлардаги хотин-қизларни ўқига жалб этишда ҳали ҳам кўп қийинчиликлар мавжудлиги бор гап.

Сенатнинг Хотин-қизлар ва гендер тенглик масалалари кўмитасида доимий асосда ишловчи сенатор Гулнора МАЪРУФОВА билан суҳбатимиз жамиятда хотин-қизлар мавқеи ва савдоҳонликнинг ўрни хусусида бўлди.

Бизнинг суҳбат

— Мамлакатимизда аёлга бўлган муносабат ўз тарихий илдизларига эга. Аждодларимиз доимо аёлларни қадрлашга, уларга нисбатан ҳурмат ва иззатда бўлишга даъват этган, — дейди суҳбатдошимиз. — Қўқон адабий мухитини олайлик, шоира, тарихчи, мактабдор Дилшоди Барно шундай ёзган: «Менинг суҳбатдошларим ва дугоналарим ақли қизлар ва истеъдодли шоиралар эди. 51 йил давомида мен мактабдорлик қилдим ва йилга ўртача 20 нафардан 30 нафаргача ўқувчиларим бўлиб, 890 нафар қизнинг саводини чиқардим. Булардан деярли тўртдан бир қисми шеъриятга қобилиятли бўлиб, шоира ва ўз даврининг ақли ҳамда доно одамлари эдилар».

Анбар отин «Қаролар фалсафаси» асарининг тўртта фаслидан биттасини оналарга бағишлайди. Бу асарда она-

ларнинг башарият олдидаги юксак хизмати қуйидагича таърифланади: «Ул она шундоқ онадур, моҳири донодурки, Афлотун ва Арастуни, Абу Али ибн Сино ва Улуғбекни, Жомий ва Саъдийни, Навоийни, Фирдавсийни, Бедил ва Хайёмни, Нодира ва Увайсийни... мени ва сени ўз қорнида тўққиз ой кўтариб, турли офатлардан сақлаб, еган гизо-сидан расамат бериб, оламни кўриш қобилиятига давру моҳир қилибдур... Уларга (яъни оналарга) бўлгон эътибор чумолига бўлгон эътибордан ҳам камроқдур». Шоира асар сўнгида умид билан ёзади: «...Ул замонларда аёллар илм таҳсилига муяссар бўладилар. Эл ва давлат ишларида қатнашиб, эр-каklar билан бир қаторда обрў ва хурматга сазовор бўладилар».

Не бахти, бугун шундай кунларнинг гувоҳи бўлиб турибмиз. 2020 йил де-



Кўргазма ТИББИЁТ САНОАТИНИНГ ИННОВАЦИОН ТЕХНОЛОГИЯЛАРИ НАМОЙИШИ

Пойтахтимиздаги «Ўзэкспомарказ» марказий кўргазмалар мажмуида «UzMedExpo — 2024» XVI халқаро тиббиёт кўргазмаси очилди.



Унда Ўзбекистон, Германия, Хиндистон, Эрон, Қозоғистон, Хитой, Латвия, Корея Республикаси, Россия ва Туркиядан 80 дан ортик компаниялар қатнашаётир.

Тадбир ташкилотчиси — «International Expo Group» кўргазма компанияси вакиллари сўзларига кўра, ушбу анжуман уч кун давомида соҳа вакиллари учун самарали мулоқот майдонини яратди. Шунингдек, нафақат ишлаб чиқарувчилар, балки тиббиёт ходимлари учун тизимдаги энг илғор ва замонавий технологиялар билан танишиш имкониятини беради.

Таъкидлаш жоизки, кўргазма экспозициясидан тиббий техника ва асбоб-ускуналар, дори воситалари, замонавий сарф мате-

риаллари, тиббиёт саноатининг инновацион товарлари ва хизматларининг сўнгги ишланмалари ўрин олган. Шунингдек, Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги стендида етакчи маҳаллий фармацевтика ишлаб чиқарувчилари ўз маҳсулотлари ва инновацион ечимларини тақдим этмоқда.

Бугун кўргазма доирасида Латвия инвестициялар ва тараққиёт агентлигининг «Вирусларга қарши дори воситаларининг етакчи ишлаб чиқарувчиси» «Лари-фанс» компаниясининг янги маҳсулотлари мавзусида семинари бўлиб ўтади.

«Халқ сўзи».

Сунъий интеллект ва IT тизимидаги стартап лойиҳалар

Мамлакатимизда ахборот технологиялари жадал ривожлантирилиб, барча соҳага татиқ этилмоқда. Бунинг натижасида:

■ жорий йилнинг ўтган даврида рақамли хизматлар ҳажми **21 триллион сўм**дан ошди;

■ йил якунида **43 триллион сўм**га етиши кутилмоқда.

Шунингдек, соҳада **367 миллион доллар**лик хизматлар экспорт қилинди.

IT-Парк резидентлари **577 тага** кўпайиб, **2 минг**дан ошди. Уларда ишлаётган ёшлар сони эса **32 минг**га етди.

Бу йил соғлиқни сақлаш, энергетика, транспорт, таълим, қишлоқ ва сув ҳўжалиги, қурилиш каби соҳаларда **100 дан ортиқ** рақамлаштириш лойиҳалари амалга оширилмоқда.

Факт ва рақамлар

